

KSM sapu bersih hadiah kemenangan pada Kejohanan Sepaktakraw Tertutup Labuan 2016

UB 24.5.2016 A15

LABUAN: Beraksi di gelanggang terbuka dan cuaca panas ketika berentap tidak menjadi halangan untuk dua regu yang mewakili Kelab Sepaktakraw Medan, Labuan (KSM) begitu gah dengan menyapu bersih hadiah kemenangan pada Kejohanan Sepaktakraw Tertutup Labuan 2016 berlangsung di arena luar Kampus UMSKAL, di sini yang berakhir jam 2.30 petang Hari Sabtu lalu.

Regu utama Medan A dinobatkan johan apabila berjaya menjinakkan regu ketiga Medan C dengan keputusan mutlak 'straight set' 21-17, 21-16 di perlawanan akhir untuk mmenggondol hadiah wang



SEMUA regu pemenang bergambar bersama AJK Kokum UMSKAL yang mengelolakan pertandingan.

tunai dan hamper disediakan pihak penganjur.

KejohananituanjuranKelab Kokurikulum Mahasiswa

(Kokum) Universiti Malaysia Sabah Kampus Antarabangsa Labuan (UMSKAL) dengan disertai 16 regu (pasukan) dan pertandingan dijalankan secara sistem kalah singkir (knock out system).



REGU Medan A dan Medan C bergambar sebelum perlawanan akhir.

Selaku johan regu Medan A diwakili Muhammad Zulhairie Ismail, Amat

Mursidi (tekong), Saidin Brahim (apit kiri) dan Mohd Nor Azman Abd Rahman (apit kanan).

Manakala naib johan regu Medan C dikemudikan Naswaeirul Mat Sapawi (tekong), Idi Ladinda, Muhdar Ainudin (apit kiri) dan Fairus sebagai apit kanan.

Sementara itu, regu kedua Medan B yang dibarisi Kamarolzaman Yusof (tekong), Abd Nawab Mustapha (apit kiri), Nazrin Nipah dan Mohd Ikhwan Roshdi Abu Kassim (apit kanan) mendapat kemenangan percuma setelah pasukan lawannya, Sang Buana tewas undian bagi penentuan tempat ketiga.

Majlis penyampaian hadiah disempurnakan oleh ahli jawatankuasa pengelola

perandingan, Mat Rahim Matsin seurus perlawanan akhir.

Mengulas penganjuran itu Mat Rahim berkata, jumlah penyertaan sebelum ini 22 regu bagaimanapun mereka telah menarik diri di saat akhir.

"Pada masa yang sama beberapa regu menyertai kejohanan luar termasuklah di Negara Brunei Darussalam dan di Beaufort, Sabah", tambah beliau.

Mat Rahim berkata, pertandingan ini bertujuan memberi pendedahan kepada kokurikulum pelajar universiti ini menyelaraskan sesuatu program, tugas dan seterusnya membuat laporan aktiviti yang telah dilaksanakan.

- Artikel Sumbangan Oleh SARAWALLIEH HJ ASHRIN.



REGU Medan A, C dan B yang merangkul johan, naib johan dan tempat ketiga di samping hadiah yang diperolehi.



KETUA regu Medan B, Kamarolzaman Yusof menerima hadiah tempat ketiga daripada Mat Rahim Matsin.